

密縣志十五

賜同進士出身候選知縣前國子監學正武進謝增
賜同進士出身密縣知縣丙子科河南鄉試同考官舉人侯慶長景綸
同纂

雜錄

祥異

周靈王二十七年春無冰鄭飢

景王十九年鄭大旱

二十一年夏五月火昏見壬午鄭災

二十二年鄭大水

顯王七年大雨三月

三十五年韓旱

密縣志卷十五 雜錄 祥異

東漢明帝永平十五年蝗起泰山彌行兗豫

順帝永建三年河南三輔大旱五穀傷災

四年司隸荆豫兗冀部淫雨傷稼

殤帝延平元年九月洧水盛漲泛濫傷秋稼

獻帝建安十七年七月大雨洧水溢

唐憲宗元和八年四月大隗山摧時許州大雨溺死千人

宋太宗淳化二年渙水汜溢

真宗咸平五年七月霖雨惠民河溢按惠民河即洧水

高宗建炎五年汴京大饑

元世祖至元三年四月至七月鈞州新鄭密縣霖雨害稼

順帝至正三年二月鈞州新鄭密縣地震

十九年鈞州新鄭密縣皆蝗食禾稼草木俱盡所至蔽日
礙人馬不能行填坑塹皆盈飢民捕蝗以爲食或曝乾而
積之又罄則人相食

二十二年鈞之新鄭密二縣皆蝗

明神宗萬曆十六年大飢人相食

四十四年蝗

四十五年大蝗

思宗崇禎四年冬大雪五日夜澗谷皆平禽畜僵死民絕繫
火雪融尸見者不一

五年夏淫雨六十日夜陵谷變遷屋坳傾圮

六年夏大旱

密縣志卷十五 雜錄
祥異

二

七年蝗飛蔽天

八年正月流寇數十萬屯聚密境屢薄城下焚殺甚慘秋
復大蝗蔽天布野

十一年大旱蝗

十二年大旱蝗

十三年大旱蝗道殣枕籍人相食

十四年春闖寇圍密三日城破知縣朱敏許教諭岳士瞻
死之百姓屠戮殆盡

國朝

順治五年霖雨連月

六年春羣狼入城噬人知縣李芝蘭禱于城隍廟即日獲

狼十餘患遂息夏大旱

七年春文廟告成明倫堂產芝三莖夜間奎星樓有光如火

康熙二年蝗蝻蔽野

四年夏月大雨如注東城崩

十一年蝗飛蔽天

十三年六月大旱

十四年正月雪霰結如毯五六月大旱

十七年騰食穀禾

十八年春夏大旱秋月淫雨民飢

十九年旱大飢疫

寧縣志卷十五 雜錄 祥異

三

二十年瘟疫傷人甚眾

二十六年春夏大旱

二十八年春夏大旱

二十九年自春徂夏六月不雨禾稼枯死牛瘟十死八九

民飢

三十四年四月地震

四十八年大旱

五十三年八閏月不雨

六十年歲歉

六十一年無麥民多飢死奉 憲煮粥以賑

雍正五年縣西崗禾出雙穗

七年大水

八年大水民居倒塌壓死人數百洧河上下衝民田四百餘頃

十二年大水

乾隆十四年大水壞民居歲歉牛疫多死

十七年夏旱

十九年秋禾大熟

二十一年淫雨害稼

二十二年大旱道殣相望

二十七年夏大旱

三十年夏大雨雹

密縣志卷十五 雜錄

二十九年春多紅風黑燄歲歉

四十三年夏無麥

五十年春夏旱多大風秋無禾

五十一年春人相食瘟疫大作

五十二年大有年

五十三年夏多臙不為災

五十五年大有年

五十六年洧水揚水暴漲

六十年麥禾大熟多兩歧雙穗

嘉慶元年夏蝗飛蔽日不為災

二年冬大雪三日平地三尺

三年夏旱洧水楊水出火蝦

六年秋七月大風壞田禾

七年夏旱飛蝗過境

九年夏旱

十年秋七月地震

十一年大有年

十二年春旱

十三年大有年

十五年春旱

十六年春旱

十七年春霖雨麥歉收

密縣志卷十五 雜錄 祥異

五

十八年春大風晝晦夏大旱秋霖雨隕霜殺蕎麥歲大飢人相食冬十二月地震

十九年春大雪道殣相望夏麥豐收瘟疫大作人多死傷

二十年夏霪雨人多瘧疾冬十月地大震

二十一年春夏霖雨人多疥疾秋七月李家岡產芝草八

本

舊聞

史記五帝本紀黃帝舉風后力牧常先大鴻以治民

史記封禪書鬼史區號大鴻黃帝大臣也死葬雍故鴻冢

路史高陽氏紀帝之曾孫曰黎及回黎為祝融淳維敦芒天

明地德臨照四海是食火土黎卒帝嚳以回代之回食丁

吳是日吳回生陸終陸終生會人

路史前紀大駮氏見於南密或曰泰塊昔者黃帝訪泰塊於具茨蓋設於無垓坳之宇而臺簡以游泰清者

路史禪通記祝誦氏一曰祝融是為祝融氏未有嗜欲無所造作師於廣壽以毓其德刑罰未施而民勸化三綱正九疇序是以天下洽和萬物咸若於是聽弇州之鳴鳥以為樂歌作樂屬續以通倫類諧神明而和人聲是以耳目聰明氣血蘇平而壽令長移風易俗天下大治則樂歌為之節文也以火施化號赤帝故後世火官因以為號祝融氏融職也本非人名黎為祝融同為祝融皆職都於會故鄭為祝融之墟其治百年葬衡山之陽是以謂祝融峰也

密縣志卷十五 雜錄

六

漢書藝文志風后孤虛二十卷龜策傳辰不全故有孤虛注六甲孤虛法甲子旬中無戌亥戌為孤辰巳為虛甲戌旬中無申酉申酉為孤寅卯為虛甲申旬中無午未午未為孤子丑為虛甲午旬中無辰巳辰巳為孤戌亥為虛甲辰旬中無寅卯寅卯為孤申酉為虛甲寅旬中無子丑子丑為孤午未為虛

前漢書地理志韓地角亢氏之分野也韓分晉得南陽郡及潁川之父城定陵襄城潁陰潁陽長社陽翟郟東接汝南西接宏農得新安宜陽皆韓分也及詩風陳鄭之國與韓同星分焉鄭國今河南之新鄭本高辛氏火正祝融之虛也及成臯滎陽潁川之崇高陽城皆鄭分也自東井六度

至亢六度謂之壽星之次鄭之分野與韓同分

抱樸子黃帝東到青邱過風山見紫府先生受三皇內文以
劾召萬神南到圓隴蔭建木觀百穀之所登採若乾之華
飲丹巒之水西見中黃子受九加之方過洞庭從廣成子
受自然之經北到洪隄上具茨見大隗君黃蓋童子授神
芝圖還陟王屋得神金訣到峨嵋山見天皇真人於玉堂
抱樸子黃帝生而能言役使百靈可謂天受自然之體者也
猶復不能端坐而得道故陟王屋而受丹經到鼎湖而飛
流珠登崆峒而問廣成之具茨而事大隗適東岱而奉中
黃入金谷而咨滑子論導養而質元素二女精推步則訪
山稽力牧講占候則詢風后著體診則受岐雷審攻戰則
龍以高躋與天地乎罔極也

密縣志卷十五 雜錄

七

納五音之策窮神姦則記白澤之辭相地理則書青鳥之
說救傷殘則綴金冶之術故能畢該秘要窮道盡真遂乘
王應麟困學紀聞黃帝書曰天在地外水在天外水浮天而
載地又曰地在太虛之中大氣舉之道書謂風澤洞虛金
剛乘天佛書謂地輪依水輪水輪依風輪風輪依虛空虛
無所依風澤洞虛者風爲風輪所謂大氣舉之也澤爲水
輪所謂浮天載地也金剛乘天者道家謂之罡風岐伯謂
之大氣葛稚川云自地而上四千里之外其氣剛勁者是
也張湛解列子湯問曰太虛無窮天地有限朱文公曰天
之形雖包於地之外而其氣常行乎地之中則風輪依地

空可見矣

世本陸終娶于鬼方氏之妹謂之女嬪是生六子孕三年啟其左脇三人出焉啟其右脇三人出焉其四曰求言是謂之郇國

鄭樵通志氏族畧陸終氏娶鬼方之女孕而不育十一年開其左脇而出三人焉又開其右脇而出三人焉長曰昆吾名樊巳姓封衛墟次日參胡董姓封韓墟周時為胡國楚滅之三日彭祖名翦彭姓封於韓大彭之墟即彭城也四日會人邛姓封於鄭墟五日晏安曹姓封邾墟六日季連芊姓其後為楚昆吾氏為夏伯湯伐桀滅之彭祖氏為商伯商之末世始亡于實以為先儒多疑此事譙周作古史

寧縣志卷十五 雜錄

八

考廢而不論然六子之世子孫有國數千年間迭為伯王天將興之必有尤物若夫前志所傳修己背坼而生禹簡狄背坼而生契歷代久遠莫足相證近魏黃初五年汝南屈雍妻王氏生男從右股下水腹上出而平和自若數月創合母子無恙

孔穎達毛詩正義鄭祝融之後復君祝融之墟鄭譜以鄭因號檜之地而國之先譜檜事然後譜鄭檜曹國小而君奢民勞而政僻季札之所不譏風矣於末宜哉蘇氏曰檜詩皆為鄭作如鄭鄭之於檜也

周語富辰曰檜之亡由

叔姪

鄭語史伯曰黎爲高辛氏火正故命之曰祝融能昭顯天地之光明以生柔嘉材其後八姓於周未有侯伯王應麟註謂祝融之後已董彭禿妖曹斟芊八姓也

鄭元詩譜檜者古高辛氏火正祝融之墟國在禹貢豫州外方之北滎波之南居溱洧之間祝融氏名黎其後八姓惟妖姓檜者處其地焉周夷王厲王之時檜公不務政事而好潔衣服大夫去之於是檜之變風始作其國北鄰於虢徐廣曰郟在密縣東北不得在外方之北也

馬驢釋史論曰厲王之少子友宣王封之食采於咸林是爲鄭桓公紀年謂王子多父者也幽王八年爲周司徒以王室將亂謀於史伯寄孥賄郟虢之間驪山之敗桓公死之

密縣志卷十五 雜錄

九

其子武公掘突從平王東遷遂滅虢郟以爲己國史伯之謀驗矣夫史伯知周室之必弊虢石父褒姒之必亂周也又知滅周者必西戎與申繒而秦楚齊晉必且代興其於天道人事察之審矣有臣如此而幽王不用安得不亡顧其所以爲鄭謀虢郟者始寄賄以誘之終構隙以取之以詐術得人國何愛於鄭而憎於二國哉然自是以後南北之形勢常視鄭而鄭在春秋遂無世無晉楚之爭矣史伯亦見及否耶

詩譜幽王爲犬戎所殺桓公死之其子武公與晉文侯定平王於東都王城卒取史伯所云十邑之地右洛左濟前茅後河食溱洧焉

竹書紀年晉文侯二年同惠王子多父伐郟克之乃居鄭父之邱名之曰鄭是曰桓公

鄭詒桓公為司徒甚得周眾與東土之人問於史伯曰王室多故余思及焉其何所可以逃死史伯對曰其濟洛河潁之間乎是其子男之國號郟為大號叔恃勢郟仲恃險皆有驕侈怠慢之心加以貪冒君若以周難之故寄孥與賄不敢不許是驕而貪必將背君君若以成周之眾奉辭伐罪無不克矣若克二邑鄙蔽補丹依矇歷莘君之土也若前莘後河右洛左濟主芣騶而食濼洧修典刑以守之唯是可以少固公說乃東寄孥與賄郟號受之十邑皆有寄地

密縣志卷十五 雜錄 舊聞

十一

史記桓公為司徒一歲幽王以褒后故王室治多邪諸侯或畔之於是桓公問太史伯曰王室多故予安逃死乎太史伯對曰獨雒之東土河濟之南可居公曰何以對曰地近號郟號郟之君貪而好利百姓不附今公為司徒民皆愛公公誠請居之號郟之君見公方用事輕分公地公誠居之號郟之民皆公之民也桓公曰善于是卒言王東徙其民雒東而號郟果獻十邑竟國之

呂氏春秋韓氏城新城期十五日而成段喬為司空有一縣後二日段喬執其吏而囚之囚者之子走告封人子高曰唯先生能活臣父之死願委之先生封人子高曰諾乃見段喬自扶而上城封人子高左右望曰美哉城乎一大功

矣必有厚賞矣自古及今功若此其大也而能無有罪戮者未嘗有也封人子高出段喬使人夜解其吏之束縛也而出之

後漢書鄧晨傳更始元年偏將軍鄧晨與光武畧地潁川俱夜出昆陽城擊破王尋王邑徇陽翟以東至京密皆下之

李賢注京密二縣名屬河南郡密故城在滎陽東南

後漢書寇恂爲潁川守密人賈期亂討平之一郡貼席

晉書杜預傳預將終先爲遺令曰吾往爲臺郎嘗以公事使過密之邢山山上有冢問父老云是鄭大夫祭仲或云子產之冢也遂率從者祭而觀焉其造冢居山之頂四望周達連山南北之正而邢東北向新鄭城意不忘本也其隧

密縣志卷十五雜錄

十一

道塞其後而空其前不填之示無珍寶不取于重深也山多美石不用必集洧水自然之石以爲冢藏貴不工巧而此石不入世用也君子尙其情小人無利可動歷千載無毀儉之致也吾去春入朝因郭氏喪亡緣陪陵舊義自表營洛陽城東首陽之南爲將來兆域而所得地中有小山上無舊冢其高顯雖未足比邢山然東奉二陵西瞻宮闕南觀伊洛北望夷叔曠然遠覽情之所安也故遂表樹開道爲一定之制至時皆用洛水圓石開隧道南向儀制取法于鄭大夫欲以儉自完耳

方輿紀要晉永嘉五年洛陽陷司空荀藩等建行臺于密既而秦玉業自洛陽南奔密藩等奉之南走

魏書孝靜紀天平四年春滎陽人張儉等聚眾反於大驪山
通寶炬壬辰武衛將軍高元盛北史作威討破之

北史虛勇傳元象初官軍圍廣州未拔行臺侯景聞西魏救
兵將至集諸將議之勇請進觀形勢於是率百騎各攜一
馬至大驪山知西魏將李景和將至勇乃多置旛旗於樹
頭分騎為十數隊鳴角直前禽西魏儀同程華斬儀同王
征蠻而還

唐天文志柳七星張鶉火也初柳七度餘四百六十四杪七
少中七星七度終張十四度北自滎澤滎陽並京索暨山
南得新鄭密縣至外方東隅斜至方城裕州抵桐柏北自宛
葉南暨漢東盡漢南陽之地又自洛邑負北河之南西及

密縣志卷十五 舊聞

函谷逾南紀達武當當漢水之陰盡宏農郡以淮源桐柏
東陽為限而申州屬壽星古城周鄭管鄆東號密滑申鄆
及祝融氏之都新鄭為軒轅祝融之墟其東鄙則入壽星
柳在輿鬼東又接漢源當商洛之陽接南河上流七星係
軒轅得土行正位中岳象也河南之分張直南陽漢東與
鶉尾同占

元史太子愛育黎拔力八達監國時以其傅李孟參知政事
孟以武宗鑾輿未至不可冒承大任固辭不許乃逃去武
宗至大二年詔徵前參知政事李孟命人搜訪得於鈞州
之陘山召見帝曰此皇祖妣命為朕賓師者乃授中書平
章事後相仁宗兼掌國子學賜爵秦國公仁宗皇慶間學

校大興人材曰盛皆孟之力也

明史忠義傳云十四年正月賊陷寶豐知縣朱由械死之未幾陷密縣知縣朱敏汀及里居太僕卿魏持衡舉人馬體健亦死之由械敏汀皆宗室見諸王傳中由械益府鎮國將軍常澈子敏汀亦宗室並由貢生敏汀妾張氏一女一孫及藏獲數人俱死與由械並贈僉事

王鴻緒明史稿崇禎元年陝西大饑安塞馬賊高迎祥自成舅也自稱闖王三年張獻忠聚眾十八寨稱八大王四年李自成與兄子過往從迎祥獻忠等合縱橫陝西山西六年南踰太行掠懷慶等處會天寒冰合從毛家寨策馬徑渡入河南七年洪承疇檄總兵左光先與賀人龍合擊大

密縣志卷十五 雜錄

舊開

十三

破之迎祥自成竄入終南山已而東出陷陝州寶豐汜水滎陽聞左良玉兵將至移壁梅山濠水間八年大會於滎陽老獬曹操革裏眼左金王改世王射塌天橫天王混十萬過天星九條龍順天王及迎祥獻忠十三家七十二營四出攻殺陷霍邱固始燔壽州陷潁州復入陝西洪承疇與戰渭南臨潼自成大敗東走九年春自成攻廬州滁州盧象昇親督族寬羅岱楊世恩等救滁州戰於朱龍橋賊大敗北攻壽州折而西入歸德境復爲邊將祖大樂所破走密縣登封十四年正月破河南南府移攻開封七晝夜解去屠密縣

吳偉業綏寇紀畧崇禎八年九月初六日豫賊自嵩華趨邲

禹攻密縣知縣苗之庭敗之城下李重鎮頓不進事緩用

解圍奏捷李重鎮者司馬張鳳翼私人豫撫陳必謙遣之

三日推官湯開遠促之追勦去賊營僅三十里兩日不動

第三日發馬撥八十名殺賊五人擒二人離營二十里密

邑村落為空自郟城至汝寧以六日走百八十里

逗遛恒性如此司馬反謂必謙為吝賞為苛求云

綏寇紀畧九年正月二十七日賊走汴梁陳永福從歸德秣

馬馳一百四十里及朱仙鎮過河日天大風賊不虞官軍

至蹙之武穆廟中砍一銀甲賊或云闖王非也三月初二

日賊攻密縣不利走登封初八日王進忠周維壻敗之于

登封郟城鎮賊走石陽關與伊嵩之賊合

綏寇紀畧七月初六日象昇提兵入襄陽賊聞之從浙川以

犯汝雜內地八月豫撫陳必謙以初四日移軍唐泌舞陽

撤左良玉陳永福兵從汝洛反顧根本會象昇因京師有

急入援初六日由泌陽轉趨確山衝西平口而出汝寧賴

以無患賊苗頭已抵舞陽去汝寧之西遂咫尺以良玉永

福兵尋抵汴梁大賊仍遁登密

李光壁守汴日志崇禎十四年正月二十二日雒陽陷賊所

在震動二月十二日賊攻汴梁十八日黎明賊前鋒至四

關邊巡終日至夕遁去時傳左兵將至又傳保兵渡河賊

解圍遁密縣又走登封

說嵩據異跋語勝國末流土交訐民無子遺崇禎七年老狃

狃一過汝洛山民震動自是遷徙遠域不寧鄉土八年流

賊高迎祥李自成張獻忠分躡偃鞏伊洛退屯新密山中

以朱龍橋之敗復走登封入秦而游奕之衆逼掠嵩上於
是村舍爲空九年二月二日賊李自成過天星從密縣來
盤據縣境八日汴將王進忠周維墉與賊戰於告城鎮敗
之賊走石羊關八月賊復由汴梁西遁盤據登密避左良
玉軍也是月二十六日左兵至殺賊於唐莊復南走十三
年自成陷洛陽弑福邸邑紳常克念時客洛死於難賊旋
東入攻汴不下復鼓行而西過密縣屠其城於是本縣望
風瓦解幸保督楊文岳戰賊鳴臯賊漸入伏牛嵩洛始無
大賊之踪而土寇李際遇申靖邦乃起縱橫蹂躪搜羅幾
遍窮谷十四年十二月李自成陷許居之本邑復爲其別
將所陷十五年李自成置僞官改縣曰令以盧氏舉人牛

金星爲左輔洛陽之孟長庚邾縣之李之剛俱受防禦長
葛之張虞機盧氏之牛佺卽牛金星之子俱授府尹以密
縣僞令冷英兼管登封而本縣城乃爲李際遇所據十五
年八月李自成圍李際遇於御寨聞秦督孫傳庭師自西
來解圍遇於磁澗賊乃出山走龍門是時申靖邦據大金
店寨賊攻殺之際遇以御寨險幸存復盤城內居民逃竄
無一遺留者蓋自崇禎六年莎雞數萬集於襄城山西流
賊乃自河朔南渡暨十四年莎雞至嵩彈丸巖邑遂爲流
土必爭之所交訖而無已時兼之屢旱繼蝗孳屍載道父
子相食至於禾熟遍野收穫無人會際遇遠掠復遭武定
之殘嗚呼國之不祚民其糜爛洞天福地曷不幸劫厄乎

是攷之史傳鼎革時所無者也豈非古今之大變異哉區區仙鬼草木五行所涉無關安危休戚者又曷足云

玉韶之神境記滎陽郡南百餘里有蘭巖山峭拔千丈常有雙鶴素羽皎然日夕偶影翔集傳云昔有夫婦隱此山數百年化為雙鶴忽一旦一鶴為人所害其一鶴歲常哀鳴至今響動巖谷莫知年歲

博物志潁川陳元方韓元長時之通才 所以並信有仙者其父時所傳聞河南密縣有成公其人出行不知所至復來還語其家云我得仙因與家人辭訣而去其步漸高良久乃沒而不見至今密縣傳其仙去二君以信有仙蓋由此也

密縣志卷十五 雜錄

曲洧新聞新鄭有子產廟土人以為生產之神塑翁媪二像其中及羣嬰兒于左右祈子者男女沓至也又有皮場公廟其神及湯陰張森唐宋累封惠應王者今人不知以為子皮固誤乃有皮匠二十餘人認為祖師歛錢穀禱賽之尤可捧腹此可與杜十姨同入笑藪

中州集胡汲字直鄉衛州人少有賦聲與新鄭傅伯祥呂鵬舉相友善又呂大鵬字鵬舉密縣人自言宋名相申公之裔

書影予鄉鄭雜聞每言與則曰孤與人物則曰孤你然無其字久乃知為乃也秦以市賣多得為乃乃正音孤又所在言足為勾不知原有駭狗之狗餘也

皇甫牧三水小牘許州長葛令嚴郃衣冠族也立性簡直雖
羈束於官署常畜退心咸通中罷任於陘山下置別業良
田萬頃桑柘成陰奇花芳草與松竹交錯引泉成沼疏阜
爲臺盡登臨之志矣夫人河東裴氏有三女長適滎陽鄭
氏次適京兆杜氏幼曰阿珊特端麗妍瑩乙巳歲年十五
矣時清明節嚴公令盡室登陘山山西岑有鄭大王祠乃
於祠內薦酒饌令諸女從觀日晚方歸降及山之半旋風
忽起于道左繚繞諸女塵坐陰晦衆皆驚懼而阿珊獨仆
於地色變不能言鬢上失雙金翹乃扶持而歸召巫者視
之巫譚神言曰我鄭大王也今聘爾女爲三子婦其家遽
使齋酒餼紙錢令巫者詣祠祈之旣至得金翹於神坐上

巫者再三請禱神終言不可明日阿珊殞便憑巫言以達
所以嚴氏遂令送服玩設禮筵於祠內厥後每有所須必
託巫言告其家嚴公夫人卽余室之諸姑也故得其實而
傳之

虞初新志汪价三農養人自序余於行路凡三遇虎壬申先
君命余至荊州謁賀惠藩道經玉泉山有虎踞崖僕夫駭
走虎躍入田攫一雞掠余馬尾越澗去庚子遊密之超化
寨飲於張鑑空山齋紅蕊侑酒不覺狂醉扶置馬上駟然
據鞍而行聞從人謹諫聲次日始知有虎引二子飲澗中
都無動色甲辰遊富春山登子陵釣處因訪桐君見山門
絕巘一白額虎坐澗溪流余與衆客方側行巖下虎張爪

豎尾欲來撲人衆客噤戰俯地余拱手語之曰山君山君
聞聲久矣今日得瞻神采幸無妨我去路僕所携三寸弱
管耳當揮斥成長律奉獻虎點首者三一嘯跳入叢莽與
衆客越宿樵子之廬燃燈疾書五排六十韻天方曙以詩
焚故處祝之曰一言相贈余不爽約君有英神能無印可
乎是夜夢虎頭人來謝教持鹿酒共酌興正酣爲役夫催
起乃驚失之

周夢賜嵩少游記余生平有山水癖一移中州由鄭州入密
多行夾道中若澗底忽出平壤則西山一抹隱隱眉睫間
將至密三四里有松數十仞一株出地而三歧自七尺許
品分之膚白如雪柔澤如凝脂指搯之液輒津津出香氣

密縣志卷十五 雜錄

六

可挹相傳黃帝時有三女俱得道一夕逝合葬其下明年
松生焉卽未必實然亦奇矣出密縣而西上下岡阜嵩
山青翠英英來逼人而迤南一孤峯巋然獨秀問其名曰
御寨也余視御寨若嵩山首耳旣至嵩乃知遠數十里爲
少室派不相蒙矣周子曰余旣游嵩山少林寺已愜夙願
而猶以盧巖未至爲憾盧巖者唐隱士盧鴻潛修處也景
絕勝在登封東自密來道甚近至少林始訪求遠矣豈天
不欲窮吾觀留存異日耶

王士正蜀道驛程記初六日晨發禹州暮抵新鄭縣城南五
十里過周世宗陵三十里過裴晉公墓里許涉洧水經云
洧水出密縣西南馬嶺山又東過鄭縣南注洧水自鄭城

西北入而東南流逕鄭城南其上卽子產以乘輿濟人處
縣故軒轅有熊氏國鄭滅郟徙居此曰新鄭君乙二十一年
韓哀侯滅鄭復徙居之所云郟居陽鄭之間食溱洧焉
溱水亦出密縣東南流至新鄭城西北與洧合班志云洧
水東南至長平入潁行五百里縣爲高文襄拱故里宋名
臣王沂公魯簡肅公歐陽文忠公呂正獻公皆葬於此蓋
潁川在宋時爲近畿鄉相多賜葬地他如范蜀公葬襄城
楊文公蔡文忠公晏元獻公宋元獻公兄弟皆葬禹州不
歸葬也

陳大忠新鄭志風后頂山下有大潭水碧如靛淵深莫測歲
旱禱雨輒應中有蒼龍每四月上旬雲氣突出其上鄰邑

密縣志卷十五 雜錄

十九

必大遭雨雹舊傳泗州并有鎖蛟在焉乃其母也龍往看
則雨雹萬厯五年四月二日富城里民方姓者擔礪砂器
道經襄城縣冰雹驟至砂器盡碎夜夢神示曰緣蒼龍過
爾器盡碎村南有張姓者其家麥三頃並無傷壞爾往報
之可索錢三百至則視麥果然張驚喜厚爲飲食仍倍贈
斧資使之歸

馮嗣京新鄭志具茨山下有潭水深不可測旁有孫氏數家
某嘗戒其宗曰潭有龍不可褻也宗人不聽一日湔穢污
於潭上見小蛇浮水面共訝之某曰安知非龍宗人不聽
仍棒之蛇去須臾雲起潭中疾雷走雹雨下如注潭水溢
數十丈至夜房屋漸沒宗人急趨車房須臾水自房孔入

電光燭之見鬼負甕灌房忽二人共扶某登樹曰閉爾目
某竊視之皆怪也見庭除若水牛狀者數十負車輦水房
與人俱空矣惟某一家無恙民至今傳其事呼爲龍潭孫
家

馬士芳遊雲巖記樸麗子入雲巖見老翁斂膝端坐於巖內
鬚眉如雪面奕奕有光知非常人趨前致敬老翁曰子何
來對曰遊風后頂曰風后之遊樂乎曰樂風后頂與雲巖
孰勝曰風后頂高峻雲巖幽秀各據其勝未易軒輊老翁
曰風后頂高而露足大而無林孤峙天表而無所包含蘊
育此外壯也雲巖在大壑中遠望之窈然無所見比至前
嶺角一轉萬象軒呈恍惚變幻驚目駭囁巖之中雲氣森

然噓吸巖壁醞釀霖澤巖之外崦岬怪石如入武庫矛戟
森森深窟寒潭蛟龍盤據以時出沒感雷霆而神變化又
有蒼松翠竹奇花異草禽鳥五色飛鳴上下斑斕成文韻
諧韶濩此內壯也老夫愛之故常居之徐又曰觀子衣冠
動止豈業儒者乎對曰然曰旣業儒知儒之真乎曰小子
寡昧何足以知之老翁曰孔孟而後真儒輩出代不之人
其失也漢蕪唐浮宋陋祛此三者可以知真儒矣樸麗子
唯唯拜教欲有所請顧視老翁曰已瞑遂退

相傳崇禎間邑西關有民曰暮抱孫坐惠政橋上見一人自
西來行色倉皇類遞郵者闖然入城而去時干戈擾攘人
心不靖民卽送孫於家人城進衙探消息至則毫無踪跡

心異之次日黎明伺於城西崗見此人自城出民詰之曰
余中獄神役吏也向爾邑城隍神提冊子登封李際遇申
靖邦不久作亂各邑造冊余奉命來提汝何疑焉民大駭
廼哀乞曰冊子內有吾姓名否吏啟冊首一人卽此民也
民懼甚吏曰但謹言聞登封有變卽向東逃可免民默記
之未幾李與申戕官劫庫鄰邑騷動民卽携姪遁欲東而
西與李申之衆遇遂遇害其姪中一鎗而逃

相傳崇禎十三年城內韓姓僕女爲主婦捶楚不堪逃藏城
隍神塑像後夜見城隍神檢點鬼簿吏唱曰星君案臨邑
人某當死某應一刀致命某應二刀致命默記了了因述
於主人主人以爲飾詞與免責也後李自成過天星攻破

密縣志卷十五 雜錄

雜錄

三

邑城邑人死難者悉如僕女言

相傳崇禎十四年正月李自成由汴至密多遣別部抄略鄉
曲有二十人乘馬由歧固至新鄭繫一人于馬後回密殺
之謂爲新鄭長官城中民集棹椅器械填塞城壕以木引
火烟漲蔽天賊望之不敢進屯城西樊家河三日火息攻
城時韓魏守西城馬孝廉守南城東街人守東城北街人
守北城東北先 似或云守城者無糧而散故陷十五年李
自成置僞官冷英兼管登封後爲張問明所擒

相傳靳司空於中作牧時自成犯法當死繫於堂柱司空夜
夢巨蟒盤據柱上驚醒使人視之則自成繫焉司空奇其
人曲釋其罪後自成初次至密特至靳寨拜謝不殺之恩

札營於寨東南胡坡嘴求見司空司空命僕人著已
衣冠見之自成率衆羅拜僕人驚嚇立斃自是寨西土阜高
與寨等若被人據之此寨危矣宜屯兵其上過密三次未
極殺戮之慘或爲司空之故至十四年攻汴不下有人言
密爲汴之鎖鑰宜先撤其藩籬於是移兵攻密駕大炮於
城南崗望十字街打入傷人甚衆城內有人獻城賊由城
東北隅入屠戮甚慘

相傳李際遇之始亂也以欠糧錢被執繫登封縣衙前石獅
以石擊斷獅足而遁據嵩頂北蝦蟆山上爲亂與密接壤
其抄畧不可勝紀後破少林寺奪據御寨勢更猖獗嘗至
超化寺札營三台岡張問明設筵超化寺請際遇赴宴伏

甲以待際遇慨然往酒半際遇覺有變乘間至寺門外馬
已去鞍以刀斷索騎而走伏兵齊起惟金花泉一面無人
潭深數丈際遇縱馬加鞭凌波飛渡如履平地郭龍郭鳳
伏五龍廟灣驟起擊之際遇墜馬復起而乘僅以身免際
遇忿甚陰圖報復後潛師襲超化造雲梯夜半魚貫上關
帝示夢問明驚覺寨上已紛紛矣急令家將力拒十字口
堆柴燃火火光四照郭龍夫婦倉皇持長鎗血戰又令人
斷其上寨路雲梯中折際遇之衆殲焉有剖腹而走死於
寨下者其腸尙挂於寨樹之根後屢次侵擾互相報復際
遇掠禹許諸郡米穀運而歸問明使楊線匠截於劉背坡
運糧者乃際遇之兄縛號大撻頭脅力過人惟楊線匠能

敵之至則與之約不許施鎗刀弓矢但較拳棒不勝則十
分抽一如是者屢一日擬下寨截糧線匠詣關帝廟拜禱
盜忽落地識者知其不祥至劉背坡爲際遇所殺